



MINNISBLAÐ

TIL: STJÓRNAR SSH

FRÁ: JÓN KJARTAN ÁGÚSTSSON, SVÆÐISSKIPULAGSSTJÓRI

EFNI: SÓKNARÁÆTLUN HÖFUÐBORGARSVÆÐISINS 2020 - 2024

DAGS: 2. MARS 2020.

Staða verkefnis og næstu skref

- 1) Á 480 stjórnarfundum SSH dags. 06.01.2020 samþykkti stjórn SSH eftirfarandi:

Niðurstaða fundar:

Ábendingum, hugmyndum og athugasemdum komið á framfæri sem tekið verður tillit til við endanlega útgáfu áætlunarinnar. Stjórn samþykkir að drög að sóknaráætlun með áorðnum breytingum fari til umsagnar í samráðsgátt stjórnarráðsins og endanlega drög verði síðan lögð fyrir stjórn til endanlegrar afgreiðslu á fundi stjórnar í byrjun febrúar.

- Á 481 stjórnarfundum SSH dags. 03.02.2020 samþykkti stjórn SSH eftirfarandi:

Niðurstaða fundar:

Stjórn samþykkir að unnið verði áfram að sóknaráætluninni og farið yfir þær umsagnir og ábendingar sem komið hafa fram. Endanleg drög verða síðan lögð fram á fundi stjórnar í byrjun mars n.k.

- 2) Skrifstofa SSH hefur nú farið yfir athugasemdir sem bárust í samráðsgátt stjórnarráðsins og gert nokkrar breytingar á efni sóknaráætlunar. Breytingar eru eftirfarandi:
- a. Bls. 10. Undir meginflokknum „Velferð og samfélag“ er bætt við áherslunni „Auka heilsuefingu og forvarnir“ til að bregðast við athugasemd

Stúdentaráðs Háskóla Íslands um að sveitarfélögin marki sér stefnu til að bæta heilsu ungs fólks í framhaldsskóla/háskóla.

- b. Bls. 12. Breytt megináherslan „Auka vægi stafrænnar stjórnsýslu“ í „*Auka vægi stafrænnar stjórnsýslu og hagnýtingu stafrænnar tækni*“ til að bregðast við athugasemd Skrifstofu þjónustu og nýsköpunar hjá Reykjavíkurborg að skerpa á stefnumótun varðandi stafræna og notendamiðaða þjónustu, þar sem tekið er mið af hbsv. sem einu búsetu-, atvinnu- og þjónustusvæði.
- c. Bls. 13. „Fjölga iðn-, list- og verkmenntakennurum“ breytt í „*Að unnin sé skýr áætlun um með hvaða hætti iðn-, list- og verkgreinakennurum verði fjölgað í samstarfi við ríkið*“ til að bregðast við athugasemd Skóla- og frístundasviðs hjá Reykjavíkurborg varðandi að sveitarfélögin leggi fram skýra áherslu með hvaða hætti þau hyggjast vinna að aðgerðum í þágu iðn-, list-, og verknáms.
- d. Bls. 14. Bætt við „*Skoða tækifæri höfuðborgarsvæðisins í ferðaþjónustu*“ til að bregðast við athugasemd SAF að gera þurfi frekari greiningar/stöðumat á stöðu ferðaþjónustunnar á höfuðborgarsvæðinu til að sveitarfélög og hagsmunaaðilar geti stillt saman strengi og mótað sameiginlegar áherslur.
- e. Bls. 14. Bætt við „*Skoða hvort nýta megi frekar framsæknar og lausnamiðaðar nýsköpunarhugmyndir í menntamálum fyrir höfuðborgarsvæðið sem heild sbr. Fab Lab og Betri borg fyrir börn*“ til að bregðast við athugasemd frá skóla- og frístundasviði Reykjavíkurborgar.
- f. Bls. 15. Bætt við „Auka vægi stafrænnar stjórnsýslu og hagnýtingar stafrænnar tækni“ sjá punkt c fyrir ofan.
- g. Bls. 17. Sett fram mælanlegt markmið að fjölga frumkvöðlafyrirtækjum um 5%, var áður óútfyllt.
- h. Bætt við „Auka vægi stafrænnar stjórnsýslu og hagnýtingar stafrænnar tækni“ sjá punkt c fyrir ofan.
- i. Bls. 20. Bætt við „*Hvetja til minni neyslu með endurnotkun, minni sóun og nægjusemi*“ til að bregðast við athugasemd Umhverfis- og skipulagssviðs Reykjavíkur, Guðmundi B. Friðrikssyni og Hrönn Hrafnadóttur, að sveitarfélögin marki sér stefnu um minni neyslu.
- j. Bls. 21. Bætt við „*Tryggja aðgengi fyrir alla í almenningssamgöngur*“ til að bregðast við nokkrum athugasemdum um að það vantaði umfjöllun um fólk með hreyfihömlun í stefnumörkun um samgöngur.
- k. Bls. 20. Bætt við „*Styðja við orkuskipti í samgöngum með uppbyggingu innviða í samstarfi við ríkið og atvinnulífið*“ til að bregðast við nokkrum

athugasemdum sem vörðuðu skort á umfjöllun um orkuskipti og hlutverki sveitarfélaga að flýta orkuskiptum.

- l. Bls. 27. Bætt við „*Skoða samræmdar reglur um frístundastyrki*“ til að bregðast við athugasemd skóla- og frístundasviðs Reykjavíkurborgar að sveitarfélögin hugi að aukinni samræmingu þegar kemur að frístundstyrkjum svo börn hafi jafnan aðgang að tómstundum óháð sveitarfélagi.
 - m. Bls. 28. Bætt við „*Stuðla að jafnrétti íbúa á höfuðborgarsvæðinu*“ til að bregðast við nokkrum athugasemdum um skort á stefnumörkun varðandi jafnrétti og jaðarhópa í samhengi við þá stefnumörkun sem kemur fram í sóknaráætlun höfuðborgarsvæðisins 2020 – 2024.
 - n. Bls. 29. Bætt við mælanlegu markmiði að auka þátttöku barna í íþrótt- og tómstundastarfi um 10%.
 - o. Bls. 30. Bætt við markmiði (nr. 12) að halda árlegan viðburð um loftlagsmál meðal sveitarfélaga á höfuðborgarsvæðinu, til að bæta við mælanlegu markmiði um að bæta fræðslu um loftlagsmál.
 - p. Bætt við mælanlegu markmiði, sjá nr. n fyrir ofan.
- 3) Lagt er til að útgáfa 13 af Sóknaráætlun sveitarfélaga 2020 – 2024 verði samþykkt með áorðnum breytingum og lagfæringum vegna málfars og stafsetningar.

Næstu skref

- 4) Áætlað er að framlag til sóknaráætlunar verði 30 milljónir á ári til ársins 2024, samtals 130 milljónir, sem skuli nýta við að koma aðgerðum sóknaráætlunar í framkvæmd.
- 5) Framkvæmdarstjóri SSH hefur lagt til að eftirfarandi verkefni komi til umræðu á næsta stjórnarfundum SSH:
 - a. Verkefni varðandi hvernig megi auka samræmi milli sveitarfélaga á höfuðborgarsvæðinu í flokkun úrgangs. SSH myndi leita til utanaðkomandi ráðgjafa til að halda utan um verkefnið sem myndi leiða saman helstu sérfræðinga sveitarfélaganna og SORPU. Afurð yrði skýrsla með ráðleggingum/skrefum sem sveitarfélögin gætu tekið til að samræma meðferð úrgangs og flokkunar.
Kostnaður: 8 milljónir.
 - b. Verkefni varðandi stafræna stjórnsýslu og hagnýting stafrænnar tækni. SSH myndi leita til utanaðkomandi ráðgjafa til að taka saman hver staðan er á stafrænni stjórnsýslu hjá sveitarfélögunum í dag, ásamt ráðleggingum um næstu skref að leiðum til að samræma rafræna þjónustu. Afurðin yrði skýrsla með samantekt á stöðunni og tillögur að næstu skrefum.

Kostnaður: 3 milljónir

- c. Forvarnarverkefni

Kostnaður: 4 milljónir

- d. Nýsköpunarverkefni. SSH myndi leita til SAF og óska eftir samstarfi til að greina stöðu ferðaþjónustunnar á höfuðborgarsvæðinu í dag og leita leiða til að auka nýsköpun í málafloknum.

Kostnaður: 10 milljónir

- e. Loftlagsmál – SSH óskar eftir tilboðum til að fá mælingu á kolefnisfótspori höfuðborgarsvæðisins, fá ráðgjöf í að móta aðgerðir til að minnka kolefnisfótspor svæðisins til ársins 2024 og tilboð í árlegar mælingar/eða mælingu á tveggja ára fresti.

Kostnaður: 5 milljónir

Meðfylgjandi minnisblaði þessu eru eftirfarandi gögn:

- a) Sóknaráætlun sveitarfélaga 2020 – 2024 v.13 þar sem breytingar á skjali eru gulmerktar.

Fyrir hönd skrifstofu SSH

Jón Kjartan Ágústsson,

Svæðisskipulagsstjóri SSH